

Premi d'art Willy Reber per Rolf Iseli

■ (cp) **Rolf Iseli survegn il tschintgavel premi d'art da la fundaziun Willy Reber. La surdada publica dal premi ha lieu ils 25 da november 2016 a las 18.00 en il Museum d'art dal Grischun a Cuira.** Premiada vegn l'ovra cumpletta da l'artist *Rolf Iseli* ch'è naschì l'onn 1934 a Berna. Ses art na pon ins betg attribuir ad in gener tradiziunal. El lavura tant en moda abstracta, ma en ses «maletgs da terra» integrescha el er materialias natiralas e s'avischina uschia a las artistas ed als artists da l'art pover (arte povera). Ils onns passads ha el stgaf-

fi principalmain grondas gravuras.

L'impurtanza internaziunala dad Iseli vegn cumprovada tras sia participaziun frequenta a biennalas, a l'exposiziun Documenta a Kassel sco er ad exposiziuns collectivs ed individualas.

Il premi d'art Willy Reber ch'è dotà cun 30 000 francs è concepì per undrar in'ovra cumpletta extraordinaria u ina fasa da lavur pli lunga d'ina artista u d'in artist. El fa part da la fundaziun Willy Reber che sia dunna Charlotte Reber-Bodmer ha stgaffì l'onn 1996

en memoria da ses um Willy Reber. Las personas premiadas fin uss èn HR Giger (2007), Corsin Fontana (2009), Franz Gertsch (2011) e Pipilotti Rist (2014).

Il premi d'art Willy Reber vegn surdà a Rolf Iseli ils 25 da november 2016 a las 18.00 en il Museum d'art dal Grischun a Cuira. *Rudolf P. Schaub*, president da la fundaziun Willy Reber, fa il bainvegni e surdat il premi, *Stephan Kunz*, directur dal Museum d'art dal Grischun, salva la laudatio. La surdada dal premi è publica.



**Rolf Iseli, senza titel,
1956, ieli sin taila,
en possess da l'artist.**